

Dinpi upna

Upna Pulahna

Zo Baptist Church Adelaide in BCSANT (Baptist Churches of South Australia and Northern Territory) thuhlunte dinpi le kipuohna thuhlun in kizui ding hi.

Tam thuhlunte banah a nei-a upna pulahnate dungzui in zong kikalsuon ding hi.

Topa le Honpa Jesus Khris ei hil thute pen pawlpi upzie le zuizie adingin thunei pen hi ding hi.

Tamte pen Pasien humuom ahi Lai Siengtho – Thuciem Lui le Thuciem Tha bu 66 sungah kilang hi.

Biehpieh zie tawh kisai in, Lai Siengtho ei hil bangin, pawlpi in updan ding tam bangin kipulah hi:

- To Thum Pasien: Pa, Tapa, Hla Siengtho in itna tawh na zosie a piensahna.
- Pasien pen bangkim a siempa, a kemcingpa le lei le van mailam thu a nei pa.
- Jesu Pasien ahina le Pasien mi banga ang pieng ahina.
- Mi vannuoi Pasien' lim le meel in kisiem in, mawnei ahina.
- Jesu bangkimah a bukimna le ama sina in thoidamna ei piehna, sina pan in thokia in vantungah kato a, uhna thuneina bukim a neina tawh hondamna ei piehna.
- Hla Siengtho hlamit vahsahna le piengthasahna, a mangthang hina phawhsahna, kisiakia in Jesu honpa le Topa up thei nadinga makaihna.
- Thu um mite hla lam picin thei nading le Khris sut sem nadinga Pasien' sienthosahna.
- Pumpi tahsa in vanglietna le minthanna tawh Topa Jesu ang peikia in, mi zosie thu a khenna.
- Khris mite in thawkiana le tawntung thupha a ngana. Tua banah pawlpi in upna tamdan in tangko be hi:
 - Topa le Mangpa Jesu pen mawna kisiakia in Tanpa le Topa a um leitungbup a om thu um zosiete' lutang, a uhpahina.
 - Khuotuol pawlpi in thu um mite kithuotonna hi a, Jesu pen a lutang hi in, Hla Siengtho lungvahsahna tawh suotatna, Pasien' kammalte sutkhietna, thugenna le Jesu Khris' lungsim tawh kituoh in nasepnate upna le gamtat luhehna ah Lai Siengtho lamlah banga kalsuonna.
 - A kicien Jesu' thupieh nite: i) Tuiphumna – kisiakia in Pasien tungah mawna pulah in Jesu umte Pa, Tapa le Hla Siengtho' min tawh tuisungah kiphumsuhna ki um hi. ii) Topa ankuong nehna – Upna tawh Jesu Khris a sangsa tapo in Jesu sina le ang peikia nading phawhna in ne thei zang thei hi.
 - Jesu Khris in pawlpi pen leitung buppi ah lungdamna thu tangko dingin sawlkhie hi. Tua ziehin pawlpi mikim in lungdamna thu teci pan ding, lungdamna thu hawmsawn ding nisim hinkhuo ah kisam hi.